

四庫全書

集部

欽定四庫全書

集部

御選歷代詩餘卷二十四

詳校官中書臣潘有為

侍讀臣孫球覆勘

總校官進士臣朱 銓

校對官主事臣陳文樞

謄錄監生臣孫鶴年

欽定四庫全書

御選歷代詩餘卷二十四目錄

五十二字

南歌子又一體

毛熙震

孫光憲

歐陽修

蘇軾

十一首

黃庭堅

二首

秦觀 四首

晁補之 二首

陳師道 二首

賀鑄 三首

毛滂 三首

周紫芝 三首

謝逸

周邦彥

田不伐 二首

李祁

呂渭老 三首

楊适

向子諲 六首

蔡伸 三首

葉夢得

徐俯

趙師俠

陳與義

趙長卿

五首

張元幹

三首

呂本中

鄧肅

曾覲

二首

楊无咎

二首

侯寘

辛棄疾
三首

范成大
三首

陳三聘
二首

張孝祥
三首

程垓
八首

袁去華

王千秋

王炎二首

陸游

嚴仁

史達祖

吳潛

徐照

洪璚

沈端節

黃昇 二首

張樞

張炎

石孝友 四首

趙君舉

僧揮

李清照

劉仲尹

趙攄

王從叔

劉基

二首

吳子孝

王錫爵

楊慎

張大烈

陳子龍

沈宗堦

葉小鸞

二首

前調又一體

石孝友

御選歷代詩餘卷二十四目錄

欽定四庫全書

御選歷代詩餘卷二十四

五十二字

司經局洗馬學局事兼翰林院修撰加二級

臣王奕清奉

旨校刊

南歌子

又一體一名風蝶令一名望秦川歌亦作柯雙調五十二字

南歌子

毛熙震

遠山愁黛碧橫波慢臉明膩香紅玉茜羅輕深院晚堂

欽定四庫全書

御選歷代詩餘
卷二十四

人靜理銀箏
鬢動行雲影
裙遮點屐聲
嬌羞愛問曲
中名楊柳杏花時節幾多情

前調

孫光憲

豔冶青樓女
風流似楚真驪珠
美玉未為珍
窈窕一枝芳
柳入腰身
舞袖頻回雪
歌聲幾動塵
慢凝秋水顧
情人祇為傾城著
處覺生春

前調

歐陽修

鳳髻金泥帶
龍紋玉掌梳
去來牕下笑
相扶愛道畫
眉

深淺入時無
弄筆假人久
描花試手初
等閒妨了繡
工夫笑問雙
鴛鴦字怎生書

前調

蘇軾

山與歌眉斂
波同醉眼流
遊人都上十三樓
不羨竹西歌吹
古揚州
菰黍連昌歎
瓊彝倒玉舟
誰家水調唱歌頭
聲繞碧山飛去
晚雲留

前調

蘇軾

雨暗初疑夜
風回忽報晴
澹雲斜照著
山明
細草軟沙

溪路馬蹄輕 卯酒醒還困仙材夢不成
藍橋何處覓 雲英只有多情流水伴人行

前調

蘇軾

日薄花房綻 風和麥浪輕
夜來微雨洗郊坰 正是一年春好近清明
已改煎茶火 猶調入粥餠
使君高會 有餘清 此樂無聲無味最難名

前調

觀潮

蘇軾

海上乘槎侶 仙人萼綠華
飛昇元不用丹砂 住在潮頭

來處渺天涯 雷輓夫差國雲翻海若家座中安得弄
琴牙寫取餘聲歸向水仙誇

前調

蘇軾

師唱誰家曲宗風嗣阿誰借君拍板與門槌我也逢場
作戲莫相疑 溪女方偷眼山僧莫眨睂却愁彌勒下
生遲不見老婆三五少年時

前調

蘇軾

欲執河梁手還升月旦堂酒闌人散月侵廊北客明朝

歸去鴈南翔 窈窕高唐玉風流鄭季莊一時分散水
雲鄉惟有落花芳草斷人腸

前調

湖州

蘇軾

山雨瀟瀟過溪橋瀏瀏清小園幽榭枕蘋汀門外月華
如水彩舟橫 茗岸霜花盡江湖雪陣平兩山遙指海
門青回首水雲何處覓孤城

前調

臘八飲懷
民小閣

蘇軾

衛霍元勲後韋平外族賢吹笙只合在緱山閒駕綵鸞

歸去趁新年 烘暖燒香閣
輕寒浴佛天 他時一醉畫
堂前 莫忘故人憔悴老江邊

前調

蘇軾

笑怕薔薇罨行憂 寶瑟僵美人
依約在西廂 只恐暗中
迷路認餘香 午夜風翻幔
三更月到牀 簾紋如水玉
肌涼 何物與儂歸去有殘妝

前調

蘇軾

雲鬢裁新綠 霞衣曳曉紅
待歌凝立翠筵中 一朵彩雲

何事下巫峰 趁拍鸞飛鏡回身燕颺空莫翻紅袖過
簾櫳怕被楊花勾引嫁東風

前調

蘇軾

見說東園好能消北客愁雖非吾土且登樓行盡江南
南岸此淹留 短日明楓纈清霜暗菊球流年回首付
東流憑仗挽回潘鬢莫教秋

前調

黃庭堅

槐綠低牕暗榴紅照眼明玉人邀我少留行無奈一帆

煙雨畫船輕
柳葉隨歌皺
梨花與淚傾
別時不似見
時情今夜月
明江上酒初醒

前調

黃庭堅

詩有淵明語
歌無子夜聲
論文思見老
彌明坐想羅浮
山下羽衣輕
何處黔中郡
遙知隔晚晴
雨餘風急斷
虹橫應夢池
塘春草若為情

前調

贈陶心兒

秦觀

玉漏迢迢盡
銀潢澹澹橫
夢回宿酒未全醒
已被鄰雞

催起怕天明 臂上妝猶在襟間淚尚盈水邊燈火漸
人行天外一鉤殘月帶三星

前調

秦觀

愁鬢香雲墜嬌眸冰雪裁月屏風幌為誰開天外不知
音耗百般猜 玉露沾庭砌金風動瑄灰相看有似夢
初回只恐又拋人去幾時來

前調

秦觀

香墨彎彎畫顰脂澹澹勻揉藍衫子杏黃裙獨倚玉闌

無語點檀脣 人去空流水花飛半掩門
亂山何處覓行雲又是一鉤新月照黃昏

前調

秦觀

樓迴迷雲日溪深漲曉沙年來憔悴費鉛華
樓上一天春思浩無涯 羅帶寬腰素真珠溜
臉霞海棠開盡柳飛花薄倖只知遊蕩不思家

前調

熊園作

晁補之

霜細猶欺柳風柔已弄梅東園槌鼓賞新醅
喚取舞裙

歌扇探春回 妙舞堪千盞長歌可百杯笑人將恨上
春臺勸我十分一舉兩眉開

前調

晁補之

睡起臨牕坐妝成傍砌閒春來莫捲繡簾看嫌怕東風
吹恨在睂間 鸚鵡花前弄琵琶月下彈驀然收袖倚
闌干一晌思量何事點雲鬟

前調

賀友
堂成

陳師道

故國山河在新堂冰雪生萬家和氣賀初成人在笙歌

聲裏暗生春
今代無雙士
當年第一人
杯行到手莫
辭頻明日
鳳池歸路隔清塵

前調

同王立之督茶

陳師道

天上雲為瑞
人間睡作魔
疎簾清簟汗成河
酒醒夢回
眇眼費摩挲
但有寒暄問都無
鳳鳥過塵生銅碾網
生羅一諾十年猶未意如何

前調

賀鑄

疎雨池塘見
微風襟袖知
陰陰夏木嘒黃鸝
何處飛來

白鷺立移時 易醉扶頭酒難逢敵手
暮日長偏與睡相宜睡起芭蕉葉上自題詩

前調

賀 鑄

境跨三千里樓侵尺五天碧鴛鴦瓦
盡生煙未信西山臺觀歷當年
野色分禾黍秋聲入管絃閒揮談麈
襪吟牋三十萬家風月共留連

前調

別思

賀 鑄

斗酒才供淚扁舟只載愁畫橋青柳
小朱樓猶記出城

車馬為遲留 有恨花空委無情水自流
河陽新鬢儘 禁秋蕭散楚雲巫雨此生休

前調

定空寺
賞梅

毛滂

暮霰寒依樹 嬌雲冷傍人
江南誰寄一枝春 何似瓏璁
十里更無塵 雨萼顰脂澹香鬢
蝶子輕碧山歸路小 橋橫誰見
暗香今夜月朧明

前調

東堂賦
新月

毛滂

庭下新生月 憑君把酒看不須
直待素團團 恰似那人

眉樣秀彎環 冷射鴛鴦瓦清欺翡翠簾數枝煙竹小
橋寒漸見風吹疎影過闌干

前調

和李師丈

毛滂

綠暗藏城市香清撲酒尊淡煙疎雨冷黃昏零落酴醾
花片損春痕 潤入笙簫膩春餘笑語溫更深不鎖醉
鄉門先教歌聲留住欲歸雲

前調

方錢唐侍兒

周紫芝

蟬薄輕梳鬢螺香淺畫眉西湖人道似西施人似西施

濃澹更相宜 畫燭催歌板
飛花上舞衣 殷勤猶勸玉
東西不道使君腸斷已多時

前調

周紫芝

霧帳蘭衾暖 熏爐寶篆濃
眼波猶帶睡 朦朧臥聽曉來
雙燕語春風 螺淺歡餘黛
霞消枕處紅 斷雲飛雨怕
匆匆欲去且留情緒兩忡忡

前調

周紫芝

白羽傳觴急 金鞍躍馬遲
雲間彩鳳看雙飛 飛去碧梧

卷二十四
枝上穩雙棲 林下風流女堂東坦腹兒此郎標韻世
間稀好為伯鸞舉案又齊眉

前調 春夜

謝逸

雨洗溪光淨風掀柳帶斜畫樓朱戶玉人家簾外一睂
新月浸梨花 金鴨香凝袖銅荷燭映紗鳳盤宮錦小
屏遮夜靜寒生春筍理琵琶

前調

周邦彥

寶盒分時果金盤弄賜冰晚來堦下按新聲恰有一方

明月可中庭 露下天如水風來夜氣清
嬌羞不肯傍 人行颺下扇兒拍手引流螢

前調

田不伐

夢怕愁時斷春從醉裏回淒涼懷抱向誰開
些子清明時候被鶯催 柳外都成絮闌邊半是苔
多情簾燕獨徘徊依舊滿身花雨又歸來

前調

田不伐

團玉梅梢重香羅菱扇低簾風不動蝶交飛
一樣綠陰

庭院鎖斜暉 對月懷歌扇因風念舞衣何須惆悵惜
芳菲拚得一年憔悴待春歸

前調

李 祁

嫋嫋秋風起蕭蕭敗葉聲岳陽樓上聽哀箏樓下淒涼
江月為誰明 霧雨沉雲夢煙波渺洞庭可憐無處問
湘靈只有無情江水繞孤城

前調

呂渭老

策杖穿荒圃登臨嘯晚風無窮秋色蔽晴空遙見夕陽

江上捲飛蓬 鴈過荻蒲遠山遙夢寐通一林楓葉墮
愁紅歸去暮煙深處聽疎鐘

前調

呂渭老

遠色連朱閣寒鴉噪夕陽小爐溫手酌驚黃捲亂一枝
清影在寒牕念遠歌聲小嗔歸淚眼長纖腰今屬冶
遊郎朝暮楚宮雲雨恨茫茫

前調

呂渭老

片片雲藏雨重重霧隱山可憐新月似睂彎今夜斷腸

凝望小樓寒 夢斷雲房遠 書長蠟炬殘 夜妝應罷短
屏間都把一春心事付梅酸

前調

楊 迺

怨草迷南浦 愁花傍短亭 有情歌酒莫催行 看取無情
花草也關情 舊日臨岐曲 而今忍淚聽淮山 何在暮
雲平 待倩春風吹夢過江城

前調

向子諲

柳眼風前動 梅心雪後寒 年光渾似霧中看 報荅風光

無處可為歡 一曲聊收淚 三杯強自寬 新愁不耐上
睂端 怕見長安歸路 嬾凭闌

前調

向子諲

江左稱巖桂 吳中說木犀 水沉為骨鬱金衣 却恨疎梅
惱我得青遲 葉借山光潤 花蒙水色奇 年年勾引賦
新詩 應笑薌林冷澹 獨心知

前調

向子諲

碧落飛明鏡 晴煙羃遠山 扁舟夜下廣陵灘 照我白蘋

紅蓼一杯殘 初望同盟飲如何
兩處看遙知香霧濕
雲鬟凭暖瓊樓十二玉闌干

前調

郭小娘
道裝

向子諲

縹緲雲間質輕盈波上身
瑤林玉樹出風塵不是野
花凡草等閒春 翠羽雙垂
珥烏紗巧製巾經珠不動
兩
蒼顰須信鉛華銷盡見天
真

前調

向子諲

梁苑千花亂隋堤一水長
眼前風物總悲涼何況蒼
頭

心上不相忘 因夢聊攜手憑書續斷腸已驚蝴蝶過
東牆更被風吹鴻鴈不成行

前調

向子諲

雨過林巒靜風迴池閣涼窺人雙燕語雕梁笑看小荷
翻處戲鴛鴦 共飲菖蒲細同分綵線長今朝真不負
風光絕勝幾年飛夢繞高唐

前調

蔡伸

蕭寺疎鐘斷虛堂夜氣清涼蟾偏向水牕明露井碧梧

寒葉顫秋聲 幽恨人誰問 孤衾淚獨橫 此時風月此
時情 凝倩藍橋歸夢見雲英

前調

蔡伸

遠水澄明綠 孤雲黯淡愁 白蘋紅蓼滿汀洲 腸斷圓蟾
空照木蘭舟 節物傷羈旅 歸程歎滯留 佳期已誤小
紅樓 賴得今年猶有閨中秋

前調

蔡伸

恨入睂峰翠 寒生酒暈紅 臨岐凝淚灑西風 須信人間

無物似情濃 玉鐙敲霜月金鈿伴曉鐘淒涼古驛亂
山重今夜擁衾無寐與君同

前調

葉夢得

雨惜山容斂雲矜棹影開忽看霽色射林隈為問空亭
清月為誰來 盡洗歸時路重傾醉後杯未應霜雪遽
相催留得佳期猶在共徘徊

前調

山礬

徐俯

細蕊黃金嫩繁花白雪香共誰連壁向河陽自是不須

湯餅試何郎
婀娜鬆髻輕盈淡薄妝
莫令韓壽在
伊傍便逐遊蜂驚蝶過東牆

前調

趙師俠

木落千山瘦風微一水澄清霜暖日快歸程
喚渡沙頭款款話離情
傍岸漁舟集橫空鴈字輕
凭闌凝望眼增明
一片瀟湘真箇畫難成

前調

陳與義

矯矯千年鶴茫茫萬里風
闌干三面看秋空
背插浮屠

千尺冷煙中
林塢村村暗
溪流處處通
此間何似玉
霄峰
遙望蓬萊依約曉雲東

前調

早春

趙長卿

春色烘衣暖
宮梅破鼻香
盡驅和氣入蘭堂
又是輕雲微雨下
巫陽酒帶歡情重
醺醺氣味長
晚來拂拭略梳妝
笑指一鉤新月上迴廊

前調

道中直重九

趙長卿

此日知何日
他鄉憶故鄉
亂山深處過重陽
走馬吹花

無復少年狂
黃菊擎枝重
紅茱濕露香
扁舟隨鴈過
瀟湘遙想
萊庭應恨不同觴

前調

夜坐

趙長卿

霜結凝寒
夜星輝識曉
晴蘭膏重
別且教明為照
梢頭香縷一絲輕
坐久看看困
新詞綴未成
梅花熏得酒初醒
更向耳邊低道
月三更

前調

趙長卿

春思濃如酒
離心亂似綿
一川芳草綠
生煙客裏因循

重過豔陽天
屈指歸期近
愁眉淚灑然
無端還被此
情牽為問桃
源還有再逢
緣

前調

暮春
值雨

趙長卿

黯靄陰雲覆滂沱
急雨飛洗妝枝上
亂紅稀恰是褪花
天氣困人時
向曉春醒重
偎人起較遲
薄羅初見試
輕衣笑拭新妝
須要翦酴醾

前調

張元幹

遠樹留殘雪
寒江照晚晴
分明江上數峰青
倚檻舊愁

新恨一時生 春意來無際
歸舟去有程道人元自沒
心情楚夢只因沉醉等閒成

前調

張元幹

玉露溥寒菊秋風入敗荷
繚牆南畔曲池渦天迴遙岑
倒影落層波 月轉檐牙短
更傳漏箭多醉來歸去意
如何只為地偏心遠慣絃歌

前調

張元幹

涼月今宵滿晴空萬里寬
素娥應念老夫閒特地中秋

著意照人間 香霧雲鬟濕清輝玉臂寒休教凝佇向
更闌飄下桂花開早大家看

前調

呂本中

驛路侵斜月溪橋度曉霜短籬殘菊一枝黃正是亂山
深處過重陽 旅枕原無夢寒更每自長只言江左好
風光不道中原歸思轉淒涼

前調

鄧 甫

雲繞風前鬢春開鏡裏妝鳳屏清晝裊龍香淺畫蛾睂

新樣遠山長
比翼曾同夢
雙魚隔異鄉
玉樓依舊暗
垂楊樓下落
花流水自斜陽

前調

元夜書事

曾覲

璧月窺紅粉
金蓮映綵山
東風絲管滿
長安移下十洲
三島在人間
兩兩人初散
厭厭夜向闌
倦妝殘醉怯
輕寒手撚玉
梅無緒倚闌干

前調

曾覲

粉黛娉婷豔
芝蘭笑語香
延平春色闌
芬芳不管清宵

更漏聽霓裳 燭暗人方醉
杯傳意更長 可堪羈客九
迴腸 蕭瑟一簷風雨過橫塘

前調

楊无咎

笛噴風前曲 歌翻意外聲
年來老子厭風情 可是於君
一見眼雙明 枕臂聽殘漏
停杯對短檠 直教筆底有
文星 欲狀此時情 味若為成

前調

楊无咎

綵縷牽腸斷 明珠暗滴圓
從頭顆顆手親穿 寄與仙卿

同結此生緣 和串攏瑜臂連雲墜雪肩循環密數對
沉煙似我真情不斷永相聯

前調

壽呂聖俞

侯寘

菊潤初經雨橙香獨占秋碧琳仙釀試新篳內集熙熙
共遣蟻浮甌 家世傳黃閣功名起黑頭雙鳬聊傍故
人舟咫尺青雲岐路看英遊

前調

辛棄疾

世事從頭減秋懷徹底清夜深猶送枕邊聲試問清溪

底事未能平 月到愁邊白
難先遠處鳴是中無有利
和名因甚山前未曉有人行

前調

新開池

辛棄疾

散髮披襟處浮瓜沉李時
涓涓流水細侵階鑿箇池兒
喚箇月兒來 畫棟頻搖動
紅蕖盡倒開鬪勻紅粉照
香顚有箇人兒把箇鏡兒猜

前調

辛棄疾

妙入參同契禪依不二門
細看斜日隙中塵始覺人間

何處不紛紛 病笑春先到閒知嬾是真百般啼鳥苦
撩人除却提壺此外不堪聞

前調

范成大

槁項詩餘瘦愁腸酒後柔晚涼團扇欲知秋臥看明河
銀影界天流 鶴警人初靜蟲吟夜更幽佳辰祗合筭
花籌除了一天風月更何求

前調

范成大

悵望梅花驛凝情杜若洲香雲低處有高樓可惜高樓

不近木蘭舟
緘素雙魚遠
題紅片葉秋
欲憑江水寄
離愁
江已東流
那肯更西流

前調

七夕

范成大

銀渚盈盈渡金風
緩緩吹晚香
浮動五雲飛
月姊妒人顰
畫一彎
睂短夜難留
處斜河欲淡
時半愁半喜
是佳期
一度相逢
添得兩相思

前調

陳三聘

別後驚人遠
歸心怯櫓柔
晚天涼思冷
於秋冷浸一溪

明月水瀾流 醉裏狂仍在吟餘趣極幽夜深何用數
更籌別有好風吹酒不須求

前調 七夕

陳三聘

月傍雲頭吐風將雨脚吹夜深烏鵲向南飛應是星娥
顰恨入雙睂 舊怨垂千古新歡只片時一年屈指數
佳期到得佳期別了又相思

前調

張孝祥

人物義皇上詩名沈謝間漫郎元是漫為官醉眼瞢騰

只擬看湘山 小隱真成趣
鄰翁獨往還 野堂梅柳尚
春寒 且趁華燈頻泛酒船寬

前調

張孝祥

曾到蘄州否 人人說使君
使君才具合經綸 小試邊城
早晚上星辰 佳節重陽近
清歌午夜新 舉杯相屬莫
辭頻 後日相思我已行人

前調

過嚴關

張孝祥

路盡湘江水 人行瘴霧間
昏昏西日度嚴關 天外一簪

初見嶺南山 北鴈連書斷 秋霜點鬢斑 此行休問幾
時還 準擬桂林佳處過春殘

前調

程垓

雨燕翻新幙 風鴉繞舊枝 畫堂春盡日遲遲 又是一番
平綠漲西池 病起尊難盡 腰寬帶易垂 不堪村落子
規啼 問道行人一去幾時歸

前調

程垓

淡靄籠青瑣 輕寒薄翠綃 有人憔悴帶寬腰 又見東風

不忍見柔條 悶酒尊難盡
閒香篆易銷夜來溪雪已
平橋溪上梅魂憑仗一相招

前調

早春

程垓

梅鴈飛香定
蘭牕翠色齊
水邊沙際又春歸
領略東風能有幾人知
愛月眠須晚
尋花去未遲
誰家庭院更芳菲
費盡才情休負一春詩

前調

程垓

荷蓋傾新綠
榴巾蹙舊紅
水亭煙榭晚涼中
又是一鉤

新月靜房櫳
絲藕清如雪
惻紗薄似空
好懷今夜與
誰同
喚取玉人來
共一簾風

前調

程垓

野水尋溪路
青山踏晚春
偶來相值却鍾情
一樹瓊瑤
洗盡客衣襟
曲沼通詩夢
幽牕淨俗塵
何時散髮伴
簷裙
後夜相思生怕月
愁人

前調

早春感懷

程垓

弱柳眠初醒
殘梅舞尚癡
春陰將冷傍簾幃
又是東風

和恨向人歸 樂事燈前記愁腸酒後知老來無計遣
芳時只有閒情隨分品花枝

前調

程垓

竹粉翻新穉荷花拭靚妝斷雲侵晚度橫塘小扇斜釵
依約傍牙牀 蘸蜜分紅荔傾筒瀉碧香醉時風雨醒
時涼明月多情依舊過西廂

前調

程垓

翠黛隨妝淺銖衣稱體香好風偏與十分涼却扇含情

獨自繞池塘 碧藕絲絲嫩紅榴葉葉雙牽絲摘葉為
誰忙情到厭厭拚醉又何妨

前調

袁去華

秋晚霜初肅江寒霧未收西風吹老白蘋洲長笛一聲
誰在水邊樓 帶綠橙新破真醇酒旋篳簥花莫怪老
人羞直是黃花羞上老人頭

前調

王千秋

鵲起驚紅雨潮生漲碧瀾水晶城館月方圓誰喚騎鯨

仙伯下三山 筆勢翔鸞媚詞鋒射斗寒向來文價重
賢關便令批風支月紫薇間

前調

王炎

天末家何許津頭客未歸柳梢綠暗早鶯啼蝴蝶不知
春去繞園飛 選勝多遊冶當壚有麗姝青翰載酒漾
晴暉不忍十分寥落負春時

前調

王炎

山暝雲陰重天寒雨意濃數枝幽豔濕啼紅莫為惜花

惆悵對東風 蓑笠朝朝出溝塍處處通人間辛苦是
三農要得一犁雨足望年豐

前調

陸游

異縣相逢晚中年作別難暮秋風雨客衣寒又向朝天
門外語悲歡 瘦馬行霜棧輕舟下雪灘烏奴山下一
林丹為說三年常寄夢魂間

前調

憶舊

嚴仁

柳陌連雲徑瓊梳啓翠樓桃花紙薄漬冰油記得年時

詩句為君留 曉綠千層出春紅一半休
門前溪水泛花流
流到西州猶是故家愁

前調

史達祖

采綠隨雙槳 看山藉一筇
關南桃樹幾番紅
昨夜詩情頻在雨聲中
花徑無雲隔苔垣
只夢通舊歡一晌可
過從試覓鴛鴦新杏
簡春風

前調

吳潛

池水凝新碧 欄花駐老紅
有人獨倚畫橋東
手把一枝

楊柳繫春風 蝶絆遊絲墜蜂黏落蕊空
鞦韆庭院小 簾櫳多少閒情閒緒雨聲中

前調

徐照

簾影篩金線 爐煙裊翠絲
菰芽新出滿盆池 喚取玉瓶
添水買魚兒 意取金釵碧
幘梳髻翅垂相思無處說
相思笑把畫羅小扇覓春詞

前調

新月

洪璚

柳浪搖晴沼 荷風度晚簷
碧天如水印新蟾 一罇清光

斜露玉纖纖
寶鏡微開匣
金鈎半押簾
西樓今夜有人
相應傍妝臺
低照畫睂尖

前調

沈端節

遠樹昏鴉鬧
衰蘆睡鴨雙
雪蓬煙棹炯寒光
疑是楓林
纖月到船牕
時序驚心破
江山引夢長
思量也待不思
量
淚濕羅巾猶帶舊時香

前調

清明

黃昇

天上傳新火
人間試袂衣
定巢新燕覓香泥
不為繡簾

朱戶說相思
側帽吹飛絮
憑闌送落暉
粉痕銷淡錦
書稀怕見山南山北子規啼

前調

重九

黃昇

蘭佩秋風冷
茱囊曉露新
多情多感怯芳辰
強折黃花來照碧粼粼
落帽參軍醉空尊
靖節貧世間那復有
斯人目送歸鴻西去一傷神

前調

張樞

柳戶朝雲濕
花牕午篆清
東風未放十分晴
留戀海棠

顏色過清明 壘潤棲新燕籠深鎖舊鶯琵琶可是不可
堪聽無奈愁人把做斷腸聲

前調

燕喜亭

張炎

牕密春聲聚花多水影重只留一路過東風圍得生香
不斷錦熏籠 月地連金屋雲樓瞰翠蓬惺忪笑語隔
簾櫳知是誰調鸚鵡柳陰中

前調

石孝友

蟻酒浮明月鯨波泛落星春花秋葉幾飄零只有廬山

君眼向人青 明日非今日長亭更短亭不辭一飲盡
雙瓶爭奈秋風江口酒初醒

前調

石孝友

草色裙腰展冰容水鏡開又還春事破寒來一夜東風
吹綻後園梅 糯甕篤香釀熏爐續麝煤休驚節物暗
相催羸取大家沉醉探春杯

前調

石孝友

疇昔飛鸞侶而今斷鴈行西風嶺外下斜陽無賴一鉤

新月挂人腸
雙淚沾襟袖
孤燈對客牀
枕餘衾刺只
殘香別得嬌
癡不睡也思量

前調

石孝友

亂絮飄晴雪
殘花繡地衣
西園歌舞驟
然稀只有多情
蝴蝶作團飛
舊事深琴怨
新愁減帶圍
倚樓凝望更
依依怕見一天風雨捲春歸

前調

趙君舉

天末疑無路
波翻欲御風
此身忽在玉壺中
醉倒不知

南北與西東
獵獵遙鳴草
颼颼靜打篷
與君回棹碧
雲濃
不是思歸只為酒船空

前調

僧揮

十里青山遠
潮平路帶沙
數聲啼鳥怨
年華又是淒涼
時候在天涯
白露收殘月
清風散曉霞
綠楊堤畔鬧
荷花
記得年時沽酒那人家

前調

宋媛
李清照

天上星河轉
人間翠幕垂
涼生枕簟淚痕滋
起解羅衣

聊問夜何其 翠貼蓮蓬小金銷藕葉稀舊時天氣舊
時衣只有情懷不似舊家時

前調

劉仲尹

榴破猩肌血萱開鳳尾黃舊閒風簟雪膚涼一枕濃香
魂夢到巫陽 雲紵描瑤草蓮顚洗玉漿碧梧深院小
藤牀此意一江春水正難量

前調

趙 攄

澗草萋萋綠林鶯恰恰啼沙汀過雨便無泥換得芒屨

隨意到前溪
浦淑渾堪畫
雲煙總是題
江湖老伴一
蓑衣
真箇斜風細雨不須歸

前調 苦雨

王從叔

碧樹留雲濕青山似笠低
鷓鴣啼罷竹雞啼不曉
天天何意要梅肥
昨日穿青葛今朝御衲衣
思家懷抱政難為
只恐歸來憔悴却羞歸

前調

詠花

劉基

汀葎青絲盡紅蓮白羽空
翠蕤丹粟炫芳叢
總把秋光

管領屬西風
豔敵秦川錦鮮欺楚岬
楓鯉魚却下水
仙宮肯放斜陽更向若華東

前調

送別

劉基

送別滄江永
傷心落日曛
寶箏絃斷鴈離羣
最苦愁濃酒淡不成醺
黃葉淒涼月丹楓索漠雲重來此地却
思君但覺驪歌猶在耳中聞

前調

吳子孝

月色明如水
空山分外明
一分尚缺不須盈
已遣遊人

翹望不勝情
吳下雲巖好秋深
玉宇清雲中如有步
虛聲應念謫仙
憔悴鬢星星

前調

遊仙
詞

王錫爵

月色依依照雲光
淺淡流捲簾同上
最高樓試看海天
萬里好清秋
酌酒金螺小調笙
玉指柔更深鶴背冷
颼颼勸我今宵且住
莫歸休

前調

羈懷

楊慎

黃鶴蓬萊島青鳬
杜若洲愁人寂夜
夢仙遊不信一身

流落向南州 萬里家山路三更海月樓離懷脉脉思
悠悠何日錦江春水一扁舟

前調

夏景

張大烈

櫻綴珊瑚赤梅懸金彈黃一簾槐影送微涼菡萏香生
風煽落斜陽 玉液龍泉色瓊漿雀舌香枕看新月映
紗牕忽聽數聲漁笛起滄浪

前調

陳子龍

淡淡花梢去融融翠影流碧天無際迴含愁留得一庭

春露上簾鉤 風軟飛紅靜煙深嫩綠收為誰相送海
西頭應有玉簫吹斷鳳凰樓

前調 中秋

沈宗堦

雲與山同潔溪將煙共澄嬋娟儘力稱人情欲照一天
美滿到微明 桂子開梁苑桐陰點楚萍誰家玉笛弄
秋聲一夜相思清影夢難成

前調 秋夜

明媛 葉小鸞

門掩瑤琴靜牕消畫卷閒半庭香霧繞闌干一帶澹煙

紅樹隔樓看 雲散青天瘦風來翠袖寒嫦娥看又小
檀彎照得滿堦花影只難攀

前調

葉小鸞

庭際花枝嫋簾前漢渚橫斷腸何必問吹笙但見海棠
葉上露星星 牆月深深照爐香細細零誰家閨婦又
砧聲攪得夢魂無賴不堪情


前調

又一體

石孝友

春淺梅紅小山寒嵐翠薄斜風吹雨入簾幙夢覺南樓

鳴咽數聲角 歌酒工夫嬾別離情緒惡舞衫寬盡不
堪著若比那回相見更消削



欽定四庫全書

集部

御選歷代詩餘卷二十五

詳校官中書臣潘有為

侍讀臣孫球覆勘

總校官進士臣朱鈐

校對官主事臣陳文樞

謄錄監生臣孫鶴年

欽定四庫全書

御選歷代詩餘卷二十五目錄

起五十三字至五十四字

望遠行

李珣 二首

紅牕聽

晏殊 二首

東坡引

趙師俠 二首

袁去華

河傳 又一體

韋莊 二首

前調 又一體

閻選

前調 又一體

顧覓

前調 又一體

辛棄疾

怨王孫

韋莊

張先

張元幹
二首

李清照
二首

劉基
二首

迎春樂
又一體

晏殊

菊花新

又一體

杜安世

上林春令

又一體

毛滂

紅羅襖

周邦彥

折桂令

倪瓚

戀繡衾

蔣捷

夜行船

趙長卿

天下樂

楊无咎

鬢邊華

無名氏

茶瓶兒

梁意娘

恨懽遲

無名氏

浪淘沙

又一體

柳永

前調

又一體

李之儀

望江南

呂巖

王琪
十首

韓琦

歐陽修

張先

蘇軾
二首

謝逸 二首

周邦彥 二首

王安中 四首

向子諲

趙長卿

李綱 六首

楊无咎

張孝祥

程垓

方千里

楊澤民

吳文英

三首

陳允平

二首

趙汝茆

汪元量

無名氏

僧揮

劉基

吳子孝

張大烈

河傳

又一體

顧覓

前調

又一體

顧覓

前調 又一體

孫光憲

江月晃重山

元好問

楊慎 四首

張大烈

南鄉子 又一體

歐陽修 二首

褚附鳳

卓人月

張大烈

前調 又一體

張大烈

戀繡衾 又一體

陸游

史達祖

吳文英

陳允平 二首

張翥

月照梨花 又一體

陸游 二首

摘紅英

無名氏

張翥

李鄂

端正好

杜安世

四首

趙長卿

朱敦儒

楊无咎

二首

辛棄疾

三首

趙彥端

吳禮之

高觀國

四首

史達祖

二首

汪莘

二首

吳文英

二首

周密

三首

張炎

石孝友

欽定四庫全書

御選歷代詩餘
卷二十五目錄

江開

李萊老

楊宛

御選歷代詩餘卷二十五目錄

欽定四庫全書

御選歷代詩餘卷二十五

起五十三字
至五十四字

司經局洗馬掌局事兼翰林院修撰加二級臣王奕清奉

旨校刊

望遠行

雙調五
十字

望遠行

李 珣

春日遲遲思寂寥
行客關山路遙
瓊牕時聽語鶯嬌
柳

欽定四庫全書

御選歷代詩餘
卷二十五

絲牽恨一條條
休暈繡罷吹簫貌
逐殘花暗凋同心
猶結舊裙腰
忍辜風月度良宵

前調

李 珣

露滴幽庭落葉時
愁聚蕭娘柳眉
玉郎一去負佳期
水雲迢遞鴈書遲
屏半掩枕斜敲
蠟淚無言對垂吟蛩
斷續漏頻移
入牕明月鑒空帷

紅牕聽

聽或作睡
雙調五十三字起七
字句叶仄韻或多一字者誤

紅牕聽

晏殊

澹薄梳妝輕結束
天付與臉紅睂綠
斷環書素傳情久
許雙飛同宿
一晌無端分比目
誰知道風前月底相
看未足此心終擬覓
鸞絃重續

前調

晏殊

記得香閨臨別語
彼此有萬重心訴
澹雲輕靄知多少
隔桃源無處
夢覺相思天欲曙
依前是銀屏畫燭宵
長歲暮此時何計托
鴛鴦飛去

東坡引

雙調五十三字結必
以疊句為正格也

東坡引

別周
成可

趙師俠

相看情未足離觴已催促停歌欲語看先蹙何期歸太
速如今去也無計追逐怎忍聽陽關曲扁舟後夜灘
頭宿愁隨煙樹簇愁隨煙樹簇

前調

癸巳
豫章

趙師俠

飛花紅不聚都因夜來雨枝頭冷落情如許東風誰是

主 看看滿地堆却香絮但目斷章臺路殘英剩蕊留
春住春歸何處去春歸何處去

前調

袁去華

隴頭梅半吐江南歲將暮閒牕盡日將愁度黃昏愁更
苦 歸期望斷雙魚尺素念嘶騎到何處殘燈背壁三
更鼓斜風吹細雨斜風吹細雨

河傳

又一體雙調
五十三字

河傳

韋莊

春晚風暝錦城花滿
狂煞遊人玉鞭金勒
尋勝馳驟輕塵惜良辰
翠娥爭勸臨邛酒
纖纖手拂面垂絲柳
歸時煙裏鐘鼓正是黃昏
暗銷魂

前調

韋莊

錦浦春女繡衣金縷
霧薄雲輕花深柳暗
時節正是清明雨初晴
玉鞭魂斷煙霞路
鶯鶯語一望巫山雨
香塵隱映遙望翠檻紅樓
黛睂愁

前調

又一體

閨選

秋雨秋雨無晝無夜滴滴霏霏暗燈涼簟怨分離妖姬
不勝悲西風稍急喧牕竹停又續膩臉懸雙玉幾迴
邀約鴈來時違期鴈歸人不歸

前調

又一體

顧覓

曲檻春晚碧流紋細綠楊絲軟露華鮮杏枝繁鶯囀野
蕪平似翦直是人間到天上堪遊賞醉眼疑屏障對
池塘惜韶光斷腸為花須盡狂

前調

又一體

辛棄疾

春水千里孤舟浪起夢攜西子覺來村巷夕陽斜幾家
短牆紅杏花晚雲做造些兒雨折花去岸上誰家女
太狂顛那邊柳線被風吹上天

怨王孫

亦名月照梨花雙調五十三字與河
傳格調頗合向來另立一調仍分之

怨王孫

韋莊

錦里蠶市滿街珠翠千萬紅妝玉蟬金雀寶髻花簇鳴

璫繡衣長 日斜歸去人難見青樓遠隊隊行雲散不
知今夜何處深鎖蘭房隔仙鄉

前調

張先

花暮春去都門東路嘶馬將行江南江北十里五里郵
亭幾程程 高城漸遠重凝睇煙容細晚碧空無際不
知今夜何處冷落衾幃欲眠時

前調

張元幹

霽雨天迥平林煙暝燈閃沙汀水生釣艇樓外柳暗誰

家亂昏鴉 相思怪得今番甚寒食近小研魚箋信屏
山半掩微醉獨倚闌干恨春寒

前調

張元幹

小院春晝晴牕霞透著雨胭脂倚風翠袖芳意惱亂人
多暖金荷 多情不分羣葩後傷春瘦淺黛睂尖秀紅
潮醉臉半掩花底重門怨黃昏

前調

宋媛
李清照

夢斷漏悄愁濃酒惱寶枕生寒翠屏向曉門外誰掃殘

紅夜來風 玉簫聲斷人何處
春又去忍把歸期負此
情此恨此際擬托行雲問東君

前調

李清照

帝里春晚重門深院草綠
堦前暮天鴈斷樓上遠信誰
傳恨絲絲多情自是多沾惹
難拚捨又是寒食也秋
千巷陌人靜皎月初斜浸梨花

前調

劉基

翠被夜冷碧梧風勁蛩語將闌
鴉棲不定開戶月在枝

頭恰如鈎 煙波縹緲瑤臺路
人何處黃葉連天雨夢
魂此際繞盡越水吳山白雲間

前調

劉基

漏悄人靜星稀雲澹煙柳成眠
露華半領何處月色飛
來滿樓臺微風入袂還吹
領愁都醒好箇清涼境紅
塵自迥河漢應有仙槎待還家

迎春樂

又一體雙調
五十三字

迎春樂

晏殊

長安紫陌春歸早
驪垂楊染芳草
被啼鶯語燕催清曉
正好夢頻驚覺
當此際青樓臨大道
幽會處兩情多少
莫惜明珠百琲
占取年長少

菊花新

又一體雙調
五十三字

菊花新

杜安世

怎奈花殘又鶯老
檻裏青梅數枝小
新荷長池沼
當晴

畫燕子聲鬧 亭闌花綻顏色好風雨催催等閒開了
酒醒暗思量無箇事恁生煩惱

上林春令

又一體雙調
五十三字

上林春令

毛滂

蝴蝶初翻簾繡萬玉女齊回舞袖落花飛絮濛濛長憶
著瀟橋別後 濃香斗帳自永漏任滿地月深雲厚夜
寒不近流蘇祇憐他後庭梅瘦

紅羅襖

雙調五十三字作者無多以周邦彥一調為正格換頭乖字上或添懷字者誤

紅羅襖

周邦彥

畫燭尋歡去羸馬載愁歸念取酒東壚罇壘雖近采花
南園蜂蝶須知 自分袂天闊鴻稀空乖夢約心期楚
客憶江籬算宋玉未必為秋悲

折桂令

卻說對策求堂白云桂林一枝後遂以登科為折
桂唐人詩中多用之調名本此雙調五十三字

折桂令

倪瓚

片帆輕水遠山長鴻鴈將來菊蕊初黃碧海鯨鯢蘭若
翡翠風露鴛鴦問音信何人諦當想情懷舊日風光
楊柳池塘隨處凋零無限思量

戀繡衾

雙調五十三字起七字句必用拗體其中間字句
長短皆軟聲頗挂處不可游移然宋人已有不盡
逆者論調格則不可不知也

戀繡衾

蔣捷

舊金小袖花下行過橋亭倚樹聽鶯被柳線低縈鬢紺
雲垂釵鳳半橫紅薇影轉晴牕畫漾蘭心未到繡屏
奈一點春恨在青蛾彎處又生

夜行船

雙調五十三字與雨中花之別
名者迥別此本調之正格也

夜行船

趙長卿

龜甲爐煙輕裊簾櫳靜乳鶯啼曉拂掠新妝時宜頭面
繡草冠兒小衫子揉藍初著了身材稱就中恰好手

撚雙紈菱花重照帶
朶宜男草

天下樂

雙調五十三
字他無作者

天下樂

楊无咎

雪後雨兒雨後雪
鎮日價長不歇
今番為寒忒太切和
天地也來厮
擗睡不著身心自暗顛
况味憑誰說
枕衾冷得渾似鐵
祇心頭些箇熱

鬢邊華

雙調五
十三字

鬢邊華

無名氏

小梅香細豔淺過楚岸尊前偶見愛閒澹天與精神青
鬢開人醉眼如今拋擲經春恨不見芳枝寄遠向心
上誰解相思賴長對妝樓粉面

茶瓶兒

雙調五
十三字

茶瓶兒

宋媛
梁意娘

滿地落花鋪繡麗色著人如酒曉鶯牕外啼楊柳愁不
奈兩眉頻皺 關山杳音信悄那堪是當年時候盟言
辜負知多少對好景頓成消瘦

恨懽遲

雙調五十三字較恨春遲既多一字句法又別合為一體者誤也

恨懽遲

無名氏

澹薄情懷淺綴臙脂獨占江梅最好是嚴凝苦寒天氣
却是開時 也不許桃杏鬪妍姪也不許霜雪相欺又

只恐誰家一聲長笛落盡南枝

浪淘沙

又一體或加令字
雙調五十三字

浪淘沙

柳永

有一箇人人飛燕精神急
鏘環佩上華裯促拍盡隨紅
袖舉風柳腰身
簌簌輕裙妙盡尖新曲終獨立斂香
塵應是四肢嬌困也
睂黛雙顰

前調

又一體
琴

李之儀

霞卷雲舒月澹星疎摩徽轉軫不曾虛彈到當時留意
處誰是相如 魂斷酒家壚路隔雲衢舞鸞鏡裏早妝
初擬學畫眉張內史略借工夫

望江南

雙調五十四字即從單調加一疊也或合
李煜二詞上下分韻遂謂有又一體者非

望江南

呂 巖

瑤池上瑞霧靄羣仙素練金童鏘鳳板青衣玉女嘯鸞
絃身在大羅天 沉醉處縹緲玉京山唱徹步虛清燕

罷不知今夕是何年海水又桑田

前調

王琪

江南柳煙穗拂人輕愁黛空長描不似舞腰雖瘦學難
成天意與風情攀折處離恨幾時平已縱柔條縈客
棹更飛狂絮撲旗亭三月亂鶯聲

前調

王琪

江南雨風送滿長川碧瓦煙昏沉柳岸紅綃香潤入梅
天飄灑正瀟然朝與暮長在楚峰前寒夜愁歌金帶

枕幕江深閉木蘭船煙浪遠相連

前調

王琪

江南岸雲樹半晴陰帆去帆來天亦老潮生潮落日還
沉南北別離心興廢事千古一沾襟山下孤煙漁市
曉柳邊疎雨酒家深行客莫登臨

前調

王琪

江南竹清潤絕纖埃深徑欲留雙鳳宿後庭偏映小桃
開風月影徘徊寒玉瘦霜霰信相催粉淚空留妝點

在羊車曾傍翠枝來龍笛莫輕裁

前調

王琪

江南草如種復如描深映落花鶯舌亂綠迷南浦客魂
消日日鬪青袍風欲轉柔態不勝嬌遠翠天涯經夜
雨冷痕沙上帶昏潮誰夢與蘭苕

前調

王琪

江南水江路轉平沙雨霽高煙收素練風晴細浪吐寒
花迢遞送星槎名利客飄泊未還家西塞山前漁唱

遠洞庭波上鴈行斜征棹宿天涯

前調

王琪

江南月清夜滿西樓雲葉開時冰吐檻浪花深處玉沉
鉤圓缺幾時休星漢迴風露入新秋丹桂不知搖落
恨素娥應信別離愁天上共悠悠

前調

王琪

江南酒何處味偏濃醉臥春風深巷裏曉尋香旆小橋
東竹葉滿金鍾檀板奏人面粉生紅青杏黃梅朱閣

上鮓魚苦笋玉盤中
酩酊任愁攻

前調

王琪

江南雪輕素翦雲端
瓊樹忽驚春意早
梅花偏覺曉香寒
飛盡遞清歡
蟾玉迴清夜
好重看
謝女聯詩吟翠幙
子猷乘興泛平瀾
空惜舞英殘

前調

王琪

江南燕輕颺繡簾風
二月池塘新社過
六朝宮殿舊巢空
頽頽恣西東
王謝宅曾入綺堂中
煙徑落花飛遠

遠曉牕驚夢語匆匆偏占杏園紅

前調

韓琦

安陽好形勢魏西州曼衍山川環故國昇平歌吹沸南樓和氣鎮飛浮籠畫陌喬木幾春秋花外軒牕排遠岫竹間門巷帶長流風物更清幽

前調

歐陽修

江南蝶斜日一雙雙身似何郎曾傅粉心如韓壽愛偷香天賦與輕狂微雨後薄翅膩煙光纔伴遊蜂來小

院又隨飛絮過東牆長是為花忙

前調

與龍
靚

張先

青樓宴靚女薦瑤杯一曲白雲江月滿際天拖練夜潮
來人物悞瑤臺醺醺酒輕拂上雙腮媚臉已非朱淡
粉香紅全勝雪籠梅標格外風埃

前調

蘇軾

春未老風細柳斜斜試上超然臺上看半壕春水一城
花煙雨暗千家寒食後酒醒却咨嗟休對故人思故

國且將新火試新茶詩酒趁年華

前調

蘇軾

春已老春服幾時成曲水浪低蕉葉穩舞雩風軟亭羅
輕酣咏樂昇平微雨過何處不催耕百舌無言桃李
盡柘枝深處鶉鴝鳴春色屬蕪青

前調

謝逸

臨川好柳岸轉平沙門外澄江丞相宅壇邊喬木列仙
家春到滿城花行樂處舞袖卷輕紗漫摘青梅嘗煮

酒旋煎白雪試新茶明月上簷牙

前調

謝逸

臨川好山影碧波搖魚躍冰池飛玉尺雲橫石嶺拂鮫
綃高樹竹蕭蕭寒食近湖水綠平橋繫杏梢頭張錦
旆垂楊陰裏繫蘭橈邀客解金貂

前調

周邦彥

歌席上無賴是橫波寶髻玲瓏歌玉燕繡巾柔膩掩香
羅人好自宜多無箇事因甚歛雙蛾淺澹梳妝疑見

畫惺忪言語勝聞歌何況會婆娑

前調

周邦彥

遊妓散獨自繞回堤芳草懷煙迷水曲密雲銜雨暗城
西九陌未霑泥桃李下春晚自成蹊牆外見花尋路
轉柳陰行馬過鶯啼無處不悽悽

前調

王安中

安陽好物外占天平疊疊接藍煙岫色淙淙鳴玉曉溪
聲仙路馭風行松徑轉丹碧照飛甍金界花開常爛

漫雲根石秀小崢嶸幽事不勝清

前調

王安中

安陽好負郭相君園綠野移春花自老平泉醒酒石空
存月館對風軒人選勝幽徑破苔痕擁砌翠筠侵坐
冷穿亭玉溜落池喧歸意黯重門

前調

王安中

安陽好曲水似山陰咽咽清泉岩溜細彎彎碧甃篆痕
深永畫坐披襟紅袖小歌扇畫泥金鴨綠波隨雙葉

轉鵝黃酒到十分斟重聽繞梁音

前調

王安中

安陽好耆舊迹依然醉白垂楊低掠水延松高桂老參
天曾映兩貂蟬王謝族蘭玉秀當年畫隼朱輪人繼
踵丹臺碧落世多賢簪紱看家傳

前調

向子諲

微雨過庭院靜無塵天上秋期明日是人間月影十分
清真不負佳辰稱壽處香霧繞花身玉兔已成千歲

藥桂花更與一枝新喜氣滿重閨

前調

霜天有感

趙長卿

山又水雲岫插峰巒斷鴈飛時霜月冷亂鴉啼處日銜
山疑在畫圖間金烏轉遊子損朱顏別淚盈襟雙袖
濕春心不放畫眉閒此去幾時還

前調

池陽道中

李綱

歸去好迂騎過江鄉茅店雞聲寒逗月板橋人跡曉凝
霜一望楚天長春信早山路野梅香映水酒帘斜颺

欽定四庫全書

御選歷代詩餘

卷二十五

七

日隔林漁艇靜鳴榔杳杳下殘陽

前調

李綱

新閣就向日借清光廣厦生風非吾志小牕容膝正相
當聊此傲羲皇
狨尾拂高掛木繩牀老病維摩誰問
疾散花天女為焚香恰好細商量

前調

去沙陽過
分水嶺

李綱

征騎遠千里別沙陽泛碧齋傍凝翠閣棲雲寺裏印心
堂回首意茫茫
分水嶺煙雨正淒涼南望甌閩連海

嶠北歸吳越過江鄉極目暮雲長

前調

李綱

雲棹遠南浦綠波春日暖風和初解凍餌香竿褭好垂
綸一釣得金鱗風乍起吹皺碧淵淪紅鱸斫來鮮更
美白醪醑得旨兼醇一醉武陵人

前調

李綱

清晝永幽致夏來多遠岸參差風颺柳平湖清淺露翻
荷移棹釣煙波涼一霎飛雨灑輕蓑滿眼生涯千頃

浪放懷樂事一聲歌不醉欲如何

前調

李綱

江上雪獨立釣魚翁
箬笠但聞冰散響
蓑衣時振玉花空
圖畫若為工
雲水暮歸去
遠煙中茅舍竹籬依小嶼
縮編圓鯽入輕籠
歡笑有兒童

前調

張節使
生辰

楊无咎

鍾陵好嘉節慶元正
瑞色潛將春共到
台星遙映月初升
賢帥為時生
人意樂天宇亦清明
淡薄梅腮嬌倚

暖依微柳眼喜窺晴和氣滿江城

前調

張孝祥

朝元去深殿扣瑤鐘天近月明黃道靜參回斗轉碧霄
空身在九光中風露下環珮響丁東玉案燒香縈翠
鳳松壇移影動蒼龍歸路海霞紅

前調

程垓

篷上雨篷底有人愁身在漢江東畔去不知家在錦江
頭煙水兩悠悠吾老矣心事幾時休沉水熨香年似

欽定四庫全書

蘇軾詩集
卷二十五

二十

日薄雲垂帳夏如秋安得小書舟

前調

方千里

春色暮短艇樣長堤飛絮空隨花上下啼鶯占斷水東
西來往燕爭泥桑柘綠歸去覓前蹊夜瓮酒香從蟻
鬬曉牕眠足任雞啼猶勝旅情悽

前調

楊澤民

尋勝去驅馬上南堤信脚不知人遠近醉眠猶勸玉東
西歸帽任衝泥春雨過農事在屐蹊野卉無名隨路

滿山禽著意傍人啼鼓角已悲悽

前調

賦畫臨
照女

吳文英

衣白苧雪面墮愁鬟不識朝雲行雨處空隨春夢到人
間留向畫圖看 慵臨鏡流水洗花顏自織蒼煙湘淚
冷誰撈明月海波寒天澹霧漫漫

前調

茶

吳文英

松風遠鶯燕靜幽芳妝褪官梅人倦繡夢回春草日初
長瓷盃試新湯 笙歌斷情與絮悠颺石乳飛時離鳳

怨玉纖分處露花香人去月侵廊

前調

吳文英

三月暮花落更情濃人去鞦韆閒掛月馬停楊柳倦嘶
風堤畔畫船空厭厭醉長日小簾櫳宿燕夜歸銀燭
外啼鶯聲在綠陰中無處覓殘紅

前調

陳允平

嬌灼灼聰雋在秋波六幅香裙拖細縠一鉤塵鞵翦輕
羅春意動人多臨寶鑑石黛拂修蛾燕子樓頭蝴蝶

夢桃花扇底竹枝歌
楊柳月婆娑

前調

陳允平

煙漠漠湖外綠楊堤
滿地落花春雨後
一簾飛絮夕陽西
梁燕落香泥
流水恨和淚入桃蹊
鸚鵡洲邊鸚鵡恨
杜鵑枝上杜鵑啼
歸思越悽悽

前調

趙汝芑

簾不捲細雨熟櫻桃
數點霽霞天又曉
一痕涼月酒初消
風緊絮花高
蕭閒處磨盡少年豪
昨夢醉來騎白

鹿滿湖春水段家橋濯髮聽吹簫

前調

汪元量

官舍悄坐到月西斜永夜角聲悲自語客心愁破更思
家南北各天涯腸斷裂搔首一長嗟綺席象床寒玉
枕美人何處醉黃花和淚撚琵琶

前調

無名氏

梅花好依約透春光記得佳人初睡起巧臨鸞鑑試新
妝粉面鬪瓊芳江亭上遶樹嗅清香擬把一枝傳信

去不知何處是蘭房獨自暗淒涼

前調

僧揮

成都好蠶市趁遨遊夜放笙歌喧紫陌春邀燈火上紅樓
車馬隘瀛洲人散後繭館喜綢繆柳葉已饒燈黛細
桑條何似玉纖柔立馬看風流

前調

劉基

黃昏雨滴瀝四簷聲陡為衾裯添宿潤都來肺腑作愁城
惟覺寐難成單棲鳥幾度繞枝鳴金獸有煙飛不

起玉蟲無皀翳還明誰識此時情

前調

送王虞卿
之京師

吳子孝

春欲暮把酒送君行雲裏鵷鸞新振羽江南煙樹遠含
情花外忽啼鶯年正少清望與才名共道文章終有
用玉堂金馬待登瀛相憶鳳凰城

前調

夜泊漢
江口

張大烈

吟眺處江雨正霏霏九疊雲華蒼巘秀一川煙浪白鷗
飛此景十分奇吟眺罷客思正依依拄杖尋詩雙屐

履扁舟垂釣一蓑衣此趣幾人知

河傳

又一體雙調
五十四字

河傳

顧 覓

燕颺晴景小
牕屏暖鴛鴦交頸
菱花掩却翠鬟
敍慵整
海棠簾外影
繡幃香斷金鸂鶒
無消息
心事空相憶
倚東風春正濃
愁紅淚痕衣上重

前調

又一體

顧 覓

棹舉舟去波光渺渺不知何處岸花汀草共依依雨微
鷓鴣相逐飛天涯離恨江聲咽啼猿切此意向誰說
倚蘭橈獨無慘魂消小爐香欲焦

前調

又一體

孫光憲

花落煙薄謝家池閣寂寞春深翠蛾輕歛意沉沉沾襟
無人知此心玉爐香斷霜灰冷簾鋪影梁燕歸紅杏
晚來天空悄然孤眠枕檀雲髻偏

江月晃重山

此用西江月小重山兩調句法串合因以名調凡調之以犯名者即此義雙調五十四字

江月晃重山

初到嵩山作

元好問

塞上秋風鼓角城頭落日旌旗少年鞍馬適相宜從軍
樂莫問所從誰 候騎纔通冀北先聲已動遼西歸期
猶及柳依依春閨月紅袖不須啼

前調

立春四首

楊慎

臘尾金杯灩灩春頭綵勝翩翩裁紅暈碧動嫣然風日
好偷眼豔陽天 一曲玉簫明月幾絃錦瑟華年故鄉

迢遞水雲連歸未得思發在花前

前調

楊慎

金馬九重恩譴碧雞二十春風江花江草每年同君不見憔悴已成翁
白髮戴花休笑紫髯說劍猶雄欲箋心事向天公賒美酒長醉玉壺中

前調

楊慎

屏翳烘雲韎韞羲和敲日玻璃韶風麗景畫橋西春色早南國思黃鸝
瀟灑蕙樓茵閣繁華杏塢桃溪多情

楊柳露新萸堪一醉騎馬欲雞棲

前調

楊慎

龍馬山前草長螳螂川上花開霜天曉角報春回傳菜
手先進盃寒杯金線絲絲染柳玉英片片熏梅流光
容易把人催吾老矣何日賦歸來

前調

立春

張大烈

新翦釵頭綵勝開先爆竹轟雷土牛鞭動報春回椒花
宴祝頌紫霞杯百舌調歌上柳羣蜂吸氣尋梅韶華

淑景序中催知春早芽茁襯鮮苔

南鄉子

又一體一名減字南鄉子雙調五十四字

南鄉子

歐陽修

翠密紅繁水國涼
生未是寒雨打荷花
珠不定輕翻冷
潑鴛鴦錦翅斑
盡日凭闌弄蕊拈
花仔細看偷得裊
蹄新鑄樣無端藏
在紅房豔粉間

前調

歐陽修

雨後斜陽細細風來細細香風定波平花映水休藏照
出輕盈半面妝路隔秋江蓮子深深隱翠房意在蓮
心無問處難忘淚裏紅腮不記行

前調

秋懷
寄友

褚附鳳

忽地秋催又見黃花滿徑開箕踞科頭無箇事三杯林
下清風亦壯哉何必徘徊收拾天涯官跡回藝圃自
存經濟意歸來贏得先生五柳栽

前調

美人
曉妝

卓人月

花影分明闌入紗牕上翠屏籠內鸚哥春夢醒低聲却
向牀頭喚玉人 俏髻盤成縹緲虛無雲氣清旭日熏
人如卯酒微醒重倚瑤琴眼倦撐

前調

荷花

張大烈

水殿風涼一陣飄颻一陣香翠衣綠蓋擁霞光中藏沼
底鮮浮百媚妝 露滴輕黃透濕蓮心潤秀房蒂欲並
頭根未藕難忘錦袖啼紅淚幾行

前調

又一體

張大烈

小立露臺寬扇撲流螢興未闌隔牆歌韻振瓊珊撩撥
離情悶倚闌月圓人影單擺動花枝魂欲殘遙憶雙
星何日渡貪觀隔斷銀河不忍看

戀繡衾

又一體雙調
五十四字

戀繡衾

陸游

不惜貂裘換釣篷嗟時人誰識放翁歸棹借風輕穩數
聲聞林外暮鐘幽棲莫笑蝸廬小有雲山煙水萬重

半世向丹青看喜如今身在畫中

前調

史達祖

吳梅初試澗谷春夜幽幽江鴈叫雲人正在孤牕底被
濃愁醺破醉魂雨牕只剩殘燈影伴羅衣無限淚痕
瘦骨怕紅絲冷說年時斗帳夜分

前調

吳文英

頻摩書眼怯細文小牕陰天氣似昏獸爐暝慵添困帶
茶煙微潤寶熏少年驕馬西風冷舊春衫猶浣酒痕

夢不到梨花路斷長橋無限暮雲

前調

陳允平

細桃紅淺柳褪黃燕初來宮漏漸長任日轉花梢也倚
蘭屏猶未試妝 秦鸞舊曲無心理憶年時相傍采桑
聽綠樹嬌鶯囀一聲聲都是斷腸

前調

陳允平

多情無語歛黛睂寄相思偏仗柳枝待折向尊前唱奈
東風吹作絮飛 歸來醉抱琵琶睡正酒醒香盡漏移

無賴是梨花夢被月明偏照翠帷

前調

張翥

醉鄉殘夢鶯喚醒見柳梢日影弄晴又誤了尋芳伴減
東風庭院笑聲玉兒扶起仍嬌困索櫻桃花露解醒
縱病也心情好比別離滋味較輕

月照梨花

又一體雙調
五十四字

月照梨花

陸游

霽景風軟煙江春漲小閣無人繡簾半上花外姊妹相
呼約擣繡修蛾忘了章臺樣細思一晌感事添惆悵
胸酥臂玉消減擬覓雙魚倩傳書

前調

陸游

悶已縈損那堪多病幾曲屏山伴人晝靜梁燕催起猶
慵換熏籠新愁舊恨何時盡漸凋綠鬢小雨知花信
芳箋寄與何處繡閣珠櫳柳陰中

摘紅英

又名擷芳詞雙
調五十四字

摘紅英

無名氏

風搖蕩雨濛茸翠條柔弱花頭重
春衫窄香肌濕記得
年時共伊曾摘
都如夢何曾共
可憐孤似釵頭鳳
關山隔晚雲碧
燕兒來也又無消息

前調惜花

張翥

鶯聲寂鳩聲急柳陰一片梨花濕
驚人困教人恨待到
平明海棠應盡
青無力紅無跡
殘香剩粉那禁得天

難準晴難穩晚風又起倚闌怎忍

前調 早春

李鄂

潮頭白峰頭碧落梅香暗漁翁笠西風透東風驟待得
清明鶯花時候鶯聲澀花枝寂春來已蠟看山屐山
如舊春如繡層樓望處蒼寒紅瘦

端正好

一名於中好即杏花天之又一體亦名杏花風雙調五十四字

端正好

杜安世

檻菊愁煙霑秋露天微冷雙燕辭去月明空照別離苦
透素光穿朱戶夜來西風彫寒樹凭闌望迢遙長路
花箋寫就此情緒待寄與知何處

前調

杜安世

每遇春來長如病玉容瘦薄妝相稱雙歡未久成孤冷
奈厚約全無定衆禽啾唧聲愁聽相思事多少春恨
孤眠帳外銀釭耿透一點爐煙暝

前調

杜安世

露落風高桐葉墜小庭院秋涼佳氣蘭堂聚飲華筵啓
罷令曲呈珠綴晚天行雨凝香袂新聲內分明心意
玉爐初噴檀煙起斂愁在雙蛾翠

前調

杜安世

野禽林棲啾唧語閒庭院殘陽將暮蘭堂靜悄珠簾窸
想玉人歸何處喜鵲幾回空無據愁都在雙眉頭聚
淒涼方感孤鴛侶對夜永成愁緒

前調

趙長卿

乍涼淅淅風生幕人獨在朱闌翠閣吹簫信香爐香薄
睂上新愁又覺從前事擬將拚却夢不斷花梢柳萼
一杯睡起誰同酌斜日陰陰轉角

前調

朱敦儒

淺青庭院東風曉細雨打鴛鴦寒峭花光望見秋千了
無路踏青鬪草人別後碧雲信杳對佳景愁多歡少
等他燕子傳音耗紅杏開時未到

前調

楊无咎

牆頭豔杏花初試，遶珍叢細按紅蕊。欲知占盡春明媚，
悄無意看桃李。持杯準擬花前醉，早一葉兩葉飛墜。
晚來旋旋深無地，更聽得東風起。

前調

楊无咎

濺濺不住淚流，素憶曾記碧桃紅露。別來寂寞朝還暮，
恨遮斷當時路。仙家豈解空相誤，嗟塵世自難知處。
而今重與春為主，儘浪蕊浮花妒。

前調

清明

辛棄疾

軟波拖碧蒲芽短畫樓外花晴柳暖今年自是清明晚
便覺芳情較嬾春衫瘦東風翦翦過花塢香吹醉面
歸來立馬斜陽岸隔岸歌聲一片

前調

辛棄疾

病來自是於春嬾但別院笙歌一片蛛絲網偏玻璃盞
更問舞裙歌扇有多少鶯愁蝶怨任夢裏春歸不管
楊花也笑人情淺故故沾衣撲面

前調

辛棄疾

牡丹昨夜方開徧畢竟是今年春晚荼蘼付與薰風管
燕子忙時鶯嬾多病起日長人倦不待到酒闌歌散
甫能得見茶甌面却早安排腸斷

前調

趙彥端

風韶雨潤催花候歎無限年年常有桃蹊杏陌相期久
一為東君試手匆匆去那人信否襟淚漬粉香依舊
單衣煮酒重來後好與看承人瘦

前調

吳禮之

悶來凭得闌干暖自手引朱簾高捲桃花半露胭脂面
芳草如茵乍展 煙光散湖光潋灩映綠柳黃鸝巧囀
遙山好似宮眉淺人比遙山更遠

前調

高觀國

霽煙消處寒猶嫩乍門巷悵悵晝永池塘夢草魂初醒
秀句吟春未穩 仙源阻春風瘦損又燕子來無芳信
小桃也自知人恨滿面羞紅難問

前調

高觀國

遠山學得修眉翠
看看展春愁無際
雨痕半濕東風外
不管梨花有淚
西園路青鞵暗記
怕行入秋千徑裏
一春多少相思意
說與新來燕子

前調

題杏花春禽
扇面挂軸

高觀國

花凝露濕臙脂透
是綵筆丹青染就
粉綃帊入班姬手
舒卷清寒時候
春禽靜來窺晴晝
閒冷落芳心知否
不愁院宇東風驟
日日嬌紅如舊

前調

杏花

高觀國

玉壇消息春寒淺露紅玉嬌生靚豔小憐鬢濕胭脂染
只隔粉牆相見花陰外故家夢遠想未識鶯鶯燕燕
飄零翠徑紅千點桃李春風已晚

前調

清明

史達祖

細風微月垂楊院記年少春愁一點棲鶯未覺花梢顫
踏損殘紅幾片長安共日邊近遠況老少芳情漸減
屏山幾夜春寒淺却怕因而夢見

前調

史達祖

古城官道花如霰，便恰限花間。
再見雙君最現愁，深淺隔雨春山兩點。
回頭但垂楊帶苑，想今夜銅駝夢遠。
行人去了鶯聲怨，此度關心未免。

前調

汪莘

殘雪林塘春意淺，倚碧玉闌干。
日晚霞天五色明，如翦上有新蟾占斷。
從別後水遙山遠，倩說與天台劉阮。
方壺只有梅花伴，不似桃花庭院。

前調

汪莘

美人家在東南住每惆悵江南日暮白蘋洲畔花無數
還憶瀟湘風度幸自是斷腸無處怎強作鶯聲燕語
東風占斷秦箏柱也逐落花歸去

前調

詠湯

吳文英

蠻薑苴蔻相思味算却在春風舌底江清愛與消殘醉
憔悴文園病起停嘶騎歌睂送意記曉色東城夢裏
紫檀暈淺香波細腸斷垂楊小市

前調

吳文英

鬢稜初翦玉纖弱早春入屏山四角少年買困成歡謔
人在濃香繡幄 霜絲換梅殘夢覺夜寒重長安紫陌
東風入戶先情薄吹老燈花半萼

前調

莫愁

周密

瑞雲盤翠侵宮額
睂柳嫩不禁愁積
返魂誰染東風筆
寫出郢中春色
人去後垂楊自碧
歌舞夢欲尋無迹
愁隨兩槩江南北
日暮石城風急

前調

昭君

周密

漢宮乍出慵梳掠關月冷玉沙飛幕龍香繞指春風弱
一曲哀絃漫托君恩重空憐命薄青塚遠幾番花落
丹青自是難描摸不是當年畫錯

前調

周密

金池瓊苑曾經醉是多少紅情綠意東風一枕遊仙去
換却鶯花人世漸暮色鴉聲四起正愁滿香溝流水
一色柳煙三十里為問春歸那裏

前調

賦疎杏

張炎

湘羅幾翦黏新巧似過雨胭脂全少不教枝上春痕鬧
都被海棠分了帶柳色愁眉暗惱漫遙指孤村路杳
深巷明朝休起早空等賣花人到

前調

石孝友

把杯莫唱陽關曲行客去居人恨跼屏山似展江如簇
不見樽前醉玉鵲啼處怨聲裂竹問後夜蘭舟那宿
帛書難繫征鴻足腸斷絃孤怎續

前調

江開

謝娘庭院通芳徑，四無人花梢轉影。幾番心事無憑準，
等得青春過盡。秋千下佳期又近，算畢竟沉吟未穩。
不成又是教人恨，待倩楊花去問。

前調

李萊老


年時中酒風流病，正雨暗、蘼蕪深徑。人家寒食煙初禁，
狼藉梨花雪影。西湖夢紅沉翠冷，記舞板歌裙厮趁。
斜陽苦與黃昏近，生怕畫船歸盡。

前調

半硯

明妓楊宛

光凝隼几秋牕曉正墨影香浮繚繞天留一半心多少
只恐文章懊惱休回首玉樓信杳靈鬼笑頑仙怎了
從今檢點中書考辜負銅臺人老



御選歷代詩餘卷二十五